

Broj: V01-01-07-01/20

Datum: 15.06.2020.

Na osnovu člana 43. Statuta Internacionalnog univerziteta Travnik u Travniku, postupajući u skladu sa Naredbom Kriznog štaba/stožera FMZ od dana 12.06.2020. godine, i datim preporukama i smjernicama Zavoda za javno zdravstvo Federacije BiH i Zavoda za javno zdravstvo SBK/KSB, Senat Internacionalnog univerziteta Travnik u Travniku na sjednici održanoj dana 15.06.2020. godine, Senat Internacionalnog univerziteta Travnik u Travniku donosi:

ODLUKU

o usvajanju Plana pripravnosti i odgovora na pojavu novog koronavirusa (COVID-19)

Član 1.

Usvaja se Plan pripravnosti i odgovora na pojavu novog koronavirusa (COVID-19) na Internacionalnom univerzitetu Travnik u Travniku.

Član 2.

Plan pripravnosti i odgovora na pojavu novog koronavirusa (COVID- 19) se nalazi u prilogu.

Član 3.

Odluka stupa na snagu danom donošenja.




VD Rektor:

Prof. dr. Rajko Kasagić

Dostaviti:

- Dekanima organizacionih jedinica Univerziteta
- Svim zaposlenim
- Oglasna ploča
- Web stranica
- a/a





KRIZNI PLAN PRIPRAVNOSTI I ODGOVORA NA POJAVU NOVOG KORONAVIRUSA (COVID-19)

Internacionalni univerzitet Travnik u Travniku je opredijeljen za sigurno i zdravo radno mjesto za sve naše radnike, studente, zaštitare, goste i posjetioce. Da bismo osigurali sigurno i zdravo radno okruženje, IUT je razvio je sljedeći *Plan pripravnosti* kao odgovor na pandemiju COVID-19.

Menadžeri, radnici i studenti, su podjednako odgovorni za provođenje ovog plana.

Naš cilj je ublažiti potencijalno prenošenje COVID-19 na našim radnim mjestima i u zajednici, a za to nam je prije svega potrebna puna saradnja naših radnika, menadžmenta i studenata.

Samo kroz zajedničke napore možemo uspostaviti i održati sigurnost i zdravlje svih osoba na Internacionalnom univerzitetu Travnik.

Menadžment i radnici podjednako su odgovorni za implementaciju, poštivanje i pružanje preporuka za daljnje poboljšanje svih aspekata ovoga Plan pripravnosti. Rukovodstvo IUT-a ima punu podršku u sprovođenju ovog plana.

Naši radnici i studenti su naša najvažnija imovina. IUT se ozbiljno bavi zaštitom zdravlja i zaštitom njenih radnika i studenata. Učešće radnika, kao i studenata je neophodno za razvoj i uspješnu implementaciju Plan pripravnosti.

Plan pripravnosti je donijet u skladu sa Naredbama i preporukama Kriznog štaba FBiH i SBK i odnosi se na sljedeće:

1. Osnovne odrednice
2. Organizacija dijelova nastave ili ispita koji se ne mogu provesti na daljinu (socijalno distanciranje)
3. Higijena radnika, studenata i ostalih posjetitelja IUT-a;
4. Protokol za čišćenje i dezinfekciju na radnom mjestu;
5. Identifikaciju i izolaciju bolesnih radnika i studenata;
6. Edukacija o pandemiji COVID 19





1. Osnovne odrednice

Uzima se u obzir činjenica da studenti s obzirom na dob imaju uglavnom odgovarajuće navike i vještine vezane uz rad na računaru i nove tehnologije, te se za sve aktivnosti za koje je to primjereno te kod kojih provedba na daljinu ne remeti nastavni proces preporuča da se i nadalje provode na daljinu.

Uzimajući u obzir činjenicu da neki studenti iz materijalnih i drugih razloga neće imati na raspolaganju potrebne udžbenike i druga nastavna sredstva, podstiču se organizacione jedinice Internacionalnog univerziteta Travnik da takvim studentima omoguće dostupnost udžbenika i drugih materijala kroz dostupnost udžbenika i materijala u elektronskom obliku i sl.

Svakodnevno pri ulasku u unutrašnje prostore Internacionalnog univerziteta Travnik svim osobama beskontaktnim toplomjerom mjeri se tjelesna temperatura i utvrđuje imaju li respiratornih ili drugih simptoma koji se mogu povezati sa oboljenjem COVID 19. Nastavnici, studenti i druge osobe ne ulaze u unutrašnje prostore Internacionalnog univerziteta Travnik ako imaju povišenu tjelesnu temperaturu ili respiratorne simptome (povišena tjelesna temperatura, kašalj, poteškoće u disanju, poremećaj osjeta mirisa i okusa i sl.), te ako im je utvrđena zaraza s novim koronavirusom ili ako su u samoizolaciji.

Ako će nekom studentu biti izrečena mjera samoizolacije u vrijeme pojedinih ispita ili drugih aktivnosti koje se nikako ne mogu provoditi na daljinu a koje predstavljaju uslov za završetak akademske godine, uslovi pristupanja navedenom ispitu odnosno drugoj aktivnosti utvrditi će se kroz posebne epidemiološke preporuke, sukladno aktualnoj epidemiološkoj situaciji.

2. Organizacija dijelova nastave ili ispita koji se ne mogu provesti na daljinu(socijalno distanciranje) na Internacionalnom univerzitetu Travnik;

Nužan (neizbježan) boravak u ustanovi neophodno je organizirati na način da se u što većoj mjeri osigura socijalno distanciranje (fizičko udaljavanje) kao i pojačana osobna higijena i higijena prostora.

Socijalno distanciranje (fizička udaljenost): Kod ulaska i izlaska iz ustanove, kretanja ustanovom te boravka u prostoriji ustanove neophodno je držati razmak najmanje 1,5 metra od drugih osoba. Prostorija u kojoj se boravi (provodi dio nastave, ispita i sl.) treba biti što veća i prozračna te u istoj prostoriji može boraviti više osoba (ovisno o površini prostorije) uz međusobni razmak od najmanje 1,5 m.

Boravak u prostorijama IUT-a neophodno je organizirati na sljedeći način:

- Svaka skupina boravi u jednoj odgovarajućoj prostoriji,





- Stolovi/mjesta za rad razmiču se tako da studenti sjede (polazu ispite) ili sl. Na međusobnoj udaljenosti od 1,5 metra, i to svaki student uvijek na istom mjestu
- Ako studenti mijenjaju stol/mjesto za rad, ono se između dva studenta mora prebrisati dezinficijensima, a svaki student mora oprati ruke dezinficijensom prije pristupa stolu/mjestu za rad.

Preporučene karakteristike prostorije u kojoj boravi jedna skupina studenta:

- Prostorija što veće površine i visine, prozračna i osunčana (odgovarajući izvor dnevnog svjetla),
- Prostorija vratima odvojena od prostorija u kojima borave druge skupine,
- Prostorija se može dobro provjetriti vanjskim zrakom.

U svim zajedničkim prostorijama, koje nisu nužne za osnovne djelatnosti, preporučuje se ograničiti pristup na način da razmak između svih prisutnih u svim smjerovima iznosi najmanje 1,5 metra odnosno sukladno preporukama za navedene prostore. U takvim zajedničkim prostorima neophodno je primijeniti opšte preporuke.

3. Higijena radnika, studenata i ostalih posjetitelja IUT-a

Ulazak i izlazak iz ustanova: Neophodno je osigurati protok/dolazak što manjeg broja ljudi, kako na ulazu u ustanovu tako i u unutrašnjim prostorima ustanove.

Na ulazu i na još nekoliko lako dostupnih mjesta, neophodno je osigurati vidljive obavijesti za sve radnike, studente i ostale posjetioce IUT-a o obavezi držanja razmaka i higijenskim postupcima uz nužnu dostupnost dozatora za dezinfekciju ruku.

- Sredstvo za dezinfekciju potrebno je u količini od 1 – 2 ml nanijeti na suhe i čiste dlanove (obično 1 potisak ili prema uputama proizvođača).
- Dlanove i područje između prstiju potrebno je protrljati dok se ne osuše, a sredstvo nije potrebno isprati,
- Potrebno je voditi brigu o dostatnoj upotrebi dezinficijensa za ruke te se obavezno javiti nadležnoj osobi u slučaju da je u dozatoru preostala manja količina sredstva za dezinfekciju kako bi se osigurao novi.

Maske: Nošenje maski ili drugih pokrivala za usta i nos kod studenta, nastavnika i ostalih radnika je obavezno.

Zaposlenici na radnim mjestima na Internacionalnom univerzitetu Travnik svakodnevno provode osnovne mjere prevencije infekcije. Radnici su upućeni da operu ruke najmanje 20 sekundi





sapunom i vodom često tokom dana, ali posebno na početku i na kraju radnog vremena, prije bilo kojeg obroka i nakon korištenja toaleta.

Svi radnici, studenti, zaštitari, gosti i posjetioci moraju oprati ili sanitirati ruke prije ili odmah po ulasku na IUT. Uređaji za dezinfekciju ruku (koji koriste sredstva za čišćenje veće od 60% alkohola) nalazi se na ulazima i lokacijama na radnom mjestu tako da se mogu koristiti za higijenu ruku umjesto sapun i voda, sve dok ruke nisu vidno zaprljane.

Pojačana osobna higijena studenata i nastavnika:

- Izbjegavati dodirivanje ustiju, nosa, očiju i lica,
- Redovno i pravilno prati ruke prije ulaska u svoju skupinu, prije i nakon jela, nakon korištenja toaleta, nakon dolaska izvana, nakon čišćenja nosa i uvijek kada ruke izgledaju prljavo,
- Za pranje ruku treba koristiti tekuću vodu i sapun,
- Nakon pranja ruku sapunom i vodom, za sušenje ruku neophodno je koristiti papirnate ručnike za jednokratnu upotrebu koje nakon korištenja treba baciti u korpu za otpad,
- Kod kašljanja i kihanja prekrivaju se usta i nos laktom ili papirnatom maramicom koju poslije treba baciti u korpu za otpad, te oprati ruke,
- Pri kašljanju i kihanju treba okrenuti lice od drugih osoba,
- Izbjegavati dijeljenje čaša, šoljica, posuđa i pribora za jelo s drugim osobama.

4. Protokol za čišćenje i dezinfekciju na radnom mjestu;

Kupljena su odgovarajuća i efikasna sredstva za čišćenje i dezinfekciju i dostupni su za upotrebu u skladu s uputstvom proizvođača, sigurnosnim podacima i specifikacijama proizvođača.


Prostorije se provjetravaju najmanje dva puta dnevno minimalno pola sata prije dolaska i nakon odlaska studenata, ili se ostavlja otvoren prozor ako to vremenske prilike dopuštaju.

Dodirne površine kao što su kvake na vratima, ručke na prozorima, ograde, radne površine, tipkovnice, konzole, slavine u toaletima i kuhinjama, tipke vodokotlića, daljinski upravljači, prekidači za struju, tipke lifta, kopir mašine, te druge površine koje dodiruje veći broj ljudi neophodno je dezinficirati na početku i na kraju radne smjene a najmanje 2 puta dnevno.

5. Identifikaciju i izolaciju bolesnih radnika i studenata;

Studentima i radnicima, kao i ostalima, koji imaju temperaturu, respiratorne smetnje i druge simptome zarazne bolesti nije dozvoljeno raditi niti dolaziti u prostorije IUT-a.





Također, svi radnici i studenti dužni su mjeriti tjelesnu temperaturu svaki dan prije dolaska na Univerzitet, te u slučaju povišene tjelesne temperature ne dolaziti na IUT, nego se javiti telefonom nadređenoj osobi.

Radnici i studenti s povišenom tjelesnom temperaturom i/ili respiratornim simptomima odmah napuštaju Univerzitet (uz prethodno obavještenje rukovodstva) ili javljaju telefonom rukovodstvu da neće doći na posao, te se javljaju telefonom svom izabranom liječniku.

U slučaju saznanja za mogućeg prenositelja/mogući izvor infekcije svaki radnik dužan je odmah obavijestiti nadređenu osobu.

Upute za studente

Prilikom dolaska studenata radi obavljanja praktične nastave ili polaganja ispita potrebno je pridržavati se osnovnih mjera prevencije nastanka i širenja oboljenja COVID 19 (nošenje zaštitne opreme, održavanje fizičke distance, dezinfekcija ruku, dezinfekcija obuće pri ulasku).

Preporuka je da svaki student ispuni obrazac kojim izjavljuje da je zdrav, da nema temperaturu niti respiratorne simptome, da nije u samoizolaciji i da nije imao kontakt sa osobom koja je sumnjiva ili pozitivna na SARSCOV 2.

Prije ulaska studenata u učionice, laboratorije, prostorije za obavljanje praktične nastave ili u prostorije za polaganje ispita preporučuje se pranje i dezinfekcija ruku i održavanje fizičke distance u svim smjerovima, uz obaveznu upotrebu maski za lice.

6. Edukacija o pandemiji COVID 19

Obuka radnika IUT-a za preventivno postupanje povodom pandemije COVID-om.


Usljed novonastale situacije zbog pandemije COVID-19, IUT će organizovati online edukaciju putem Zoom platforme za zaposlenike i studente. Edukacija će uključivati smjernice i obuku o mjerama zaštite na radu i zdravstvenim mjerama i higijenskim praksama. Ove i slične aktivnosti će se organizovati u skladu sa razvojem epidemiološke situacije COVID 19.

* Obaveza svih radnika, studenta, kao i ostalih stranaka je da provode propisane mjere zaštite.

7. Tim za dalje poduzimanje neophodnih aktivnosti

Na sjednici Senata imenuje se Tim za dalje poduzimanje nepohodnih aktivnosti u vezi sa sprečavanjem širenja zaraze u radnim prostorijama Univerziteta, te u vezi sa istim donose se





potrebna radna uputstva i instrukcije. Tim čine dekani organizacionih jedinica Univerziteta, izvršni menadžer i šefovi nadležnih službi.

Sve prijave u vezi sa nepoštivanjem propisanih mjera utvrđenih ovim Kriznim planom dostavljaju se na e-mail: rektor@iu-travnik.com.

Nepridržavanje mjera utvrđenih ovim Kriznim planom od strane zaposlenih i studenata na Internacionalnom univerzitetu Travnik u Travniku predstavlja kršenje Zakona o zaštiti stanovništva od zaraznih bolesti ("Sl.novine FBiH", broj 29/05).

8. Preporuke zaposlenima i studentima

- Svakodnevno praćenje i djelovanje u skladu sa naredbama, uputstvima i ostalim aktima nadležnih institucija i službi. U tom smislu vašoj pažnji preporučujemo sljedeće linkove:

<https://www.unsa.ba/covid-19>

<https://www.zzjzks.ba/coronavirus/> <https://www.zzizfbih.ba/covid-19/>

<https://covid19.fmoh.gov.ba/>

[http://fbihvlada.gov.ba/bosanski/aktuelno v2.php?akt id-8426](http://fbihvlada.gov.ba/bosanski/aktuelno/v2.php?akt-id-8426)

<http://mcp.gov.ba/Publication/Category/proiekti?cateaory-7>

- Informisanje studenata, uposlenika i zainteresovane javnosti i objavljivanje svih naredbi, uputstava i ostalih akata u vezi sa prevencijom i zaštitom od infekcije COVID-19 virusom na mrežnim stranicama, kroz društvene mreže i druge interne komunikacijske kanale organizacijskih jedinica

NAPOMENA:

Ovaj Plan pripravnosti i odgovora na pojavu novog koronavirusa (COVID-19) mijenjat će se i dopunjavati shodno preporukama i naredbama nadležnih organa. Sve informacije koje se odnose na eventualne promjene okolnosti u pogledu prevencije i zaštite od širenja virusa COVID-19 na organizacionim jedinicama Univerziteta potrebno je po saznanju dostaviti na e-mail adresu rektor@iu-travnik.com.

